

居易錄

一函
八冊

居易錄卷五

濟南 王士禛 著

甲子十月予自國子祭酒遷少詹事十一月奉命

祭告南海是冬大雪所過如嶧山雲龍龍眠灞岳黃

梅五祖九江匡廬南昌西山吉安青原贛州十八灘

入境臺梅嶺韶石大廟湏陽中宿羚羊諸峽濛濛龍

頭影彈子磯觀音岩越秀白雲西樵七星岩諸山皆

與粵中故人陳

恭尹

元孝屈

大均

翁山輩賦詩獨不及登

羅浮啖新荔爲兩恨事耳歸渡彭蠡阻風南康與南

豐湯先生

來賀

惕菴南康周太守

燦

星公孫徵君

枝蔚

豹

人同遊廬山白鹿洞棲賢寺望五老峯觀三峽玉淵
諸名勝又自玉京山至萬杉開先諸寺觀青玉峽瀑
布欲由開先往歸宗觀水簾以風便登舟不果至今
耿耿于懷予詩所云譬彼禽尚遊五嶽得其四是也
旣渡湖口歷石鐘大孤小孤三山天門采石牛渚南
眺姑孰之青山白紵橫望九井約畧見之渡江至滁
州逆旅卽次遂冒雨遊琅邪山醉翁豐樂二亭訪西
澗度清流關及渡河取道曲阜謁闕里林廟望泰山
並徂徠入青石關以歸有南海集及皇華紀聞若干
卷南行志北歸志廣州遊覽小志各一卷蜀道南海

之行往返皆萬二千里而予且倦遊矣

予幼自乙酉丙戌間避兵長白卽史記所稱副嶽也
酉陽雜俎記山中崔羅什沙彌二桃事其峯巒洞壑
橫側單複之奇槩未之及也乙未舉進士後丙申春
始與邑高士徐夜東癡同遊凡柳菴上書堂醴泉寺
諸勝皆至焉刻長白遊詩一卷癸丑丁內艱以先祭

酒府君命養疴山中僅至柳菴生生菴唐李菴醴泉

寺距昔遊已十八年乙丑丁外艱丁卯往視內兄張

隱君

實居

賓公于山中遂同至書堂柳菴葛洞朱及醴

泉而返距癸丑之遊又十三年矣名山近在戶庭宦

遊四方輒不得歸歸而往遊動逾十稔中間惟丙申
之遊最樂癸丑以先恭人艱歸又值先兄考功之變
丁卯以乞假歸省尋遇祭酒府君大故豈復有山水
之樂哉卽此一山之遊今昔陵谷之感不啻如右軍

禊帖

云

矣

康熙戊午春

詔三品已上大臣薦博學鴻儒以備

顧問著作之選戶部侍郎環溪魏公

象樞

過予邸舍問

今人才誰可舉者予答曰公薦人與諸公稍不同諸
公薦人文詞足矣公薦人卽非文行兼者不可某交
遊頗衆挂一則漏萬無已寧舉一素不相識者以副

下問之誼可乎聞睢州湯遜菴斌者昔由翰林檢討
外遷潼關道副使之任以一羸載襆被在官數年蔬
水自甘去官之日襆被之外無所增益自嶺北罷歸
從蘇門孫先生講學躬行實踐教授生徒布衣徒步
梁宋間學者師之斯其人歟言未竟魏改容曰得之
矣吾亦知其人聖賢之徒也明日遂疏薦之御

試授翰林侍講馴至大用

鄆陵梁

熙

晷次與予乙未同年進士榜下未相識戊

戌予觀政兵部寓居慈仁寺梁適自咸寧令減俸行
取入都亦寓寺中始與往還叩其所學最博尤深禪

理長齋却掃如退院僧自是定交莫逆以語劉公誠
汪君文諸君曰梁君非俗士也諸君遂亦與定交梁
已亥入臺爲雲南道御史今里居日讀佛書醫書其
同門友王尚書藻巡撫河南以書招之謝不往餽遺
一無所受

韓閣學

葵

元少語予吳人張某者以術遊公卿間嘗

許繆侍講

彤

念齋狀元及第繆丁未廷對果第一

吳中驚以爲神門外車騎填委某亦自高聲價累致
千金韓貧士教授陋巷中不敢自往乃屬友人代問
之張厲聲曰此人來歲當死遑問功名乎如此命吾

不取一錢也韓聞之悵歎而已明年遊太學遂中順
天鄉試又明年癸丑會元狀元及第張遁去不知所
之

予幼入家塾肄業之暇卽私取文選唐詩洛誦之久
之學爲五七字韻語先祖方伯府君先嚴祭酒府君
知之弗禁也時先長兄考功始爲諸生嗜爲詩見予

詩甚喜取劉頃陽

一相明相國
鴻訓之父

先生所編唐詩宿中王孟

常建王昌齡劉春虛韋應物柳宗元數家詩使手鈔
之十五歲有詩一卷曰落箋堂初稟兄序而刻之未
幾中辛卯鄉試始與邑隱君徐夜東癡定交以詩往

還予贈徐句云湘東品第畱金管江左風流續玉臺

徐答云野雁想潛窺摹繪得其真者是也乙未中會

試與海內聞人縞紵論交交道始廣五月買舟歸里

始棄帖括專攻詩故予詩斷自丙申始丁酉秋倡秋

柳社于明湖即大明湖亦名濯纓湖又名蓮子湖東名士如東武丘石常海石

清源柳熹公籙任城楊通聖宜兄弟益都孫實仲孺

輩咸集予首倡四詩社中諸子暨四方名流和者不

減數百家戊戌廷對不與館選以觀政畱京師始

與長洲汪范茗文南海程可周量武進鄒祇訐士輩

倡和爲詩已亥再入都謁選吏部汪程皆官都下又

益以潁川劉體仁公戡鄢陵梁熙曰緝是冬崑山葉方

子吉海鹽彭孫通駿孫皆來定交相倡和庚子之官揚

州揚州衣冠輻輳論交遍四方又數之金陵姑蘇毘

陵所至多文章之友從遊者亦衆甲辰遷禮部與翰

林李檢討天馥湘北今兵部尚書陳檢討廷敬子端今都察院左都御史臺中

董御史文驥玉虬洎梁劉汪程輩切劘爲詩歌古文而

合肥龔端毅公芝麓方爲尚書爲之職志已酉奉使

淮浦庚戌冬入都會考功兄再官吏部萊陽宋按察

苑玉叔嘉善曹講學爾堪子顧宣城施叅議閏章尚白後入

翰林官侍讀華亭沈副使荃貞蕤後復入翰林官至詹事兼侍讀學士加禮部侍郎謚文恪皆集

京師與予兄弟暨李陳諸子爲詩文之會居無何葉

編修

方

子吉

後官至掌院翰林學士
加禮部尚書諡文敏

亦至壬子七月而予奉

使入蜀尋以內艱歸里考功兄以癸丑七月歿乙卯

七月再入都故人在者惟李陳葉三君皆官翰林彭

亦時一至焉

今內閣學士
兼禮部侍郎

丙辰丁巳間商丘宋

華

牧仲

今巡撫江西
右副都御史

邵陽王

又

幼華

後官戶科
給事中

安丘曹

貞

升六

今

州府
同知

曲阜顏

光

修來

後官吏部
考功郎中

黃岡葉

封

井叔

後官工
部主事

德州

田雯

子綸

今巡撫貴州
右僉都御史

謝重

千仞

今刑部
員外郎

晉江丁

煒

雁水

官湖廣
按察使

及門人江陰曹

禾

頌嘉

後官國
子祭酒

江都汪

懋

季角

刑部
主事

皆來談藝予爲定十子詩刻之戊午正月予奉

旨改翰林侍讀庚申擢國子祭酒時李公爲內閣學士陳葉二公相繼爲翰林掌院學士沈公爲掌詹而施彭及汪琬維陳崧諸君皆在翰林亦一時之盛也

魏侍郎

琯

昭華壽光人嘗以御史巡按甘肅至一驛

甚荒閒驛丞言有怪異不可居魏強之稍令掃除命從行吏役數十人宿門屏間而自據一榻于堂上枕劍而寢時月色皎甚三更後樹葉驟響如雨久之聞東廡尊嗒似數十人偶語者俄見一人綠衣幘頭長尺許趨樹下又有朱衣紫衣青衣數十輩繼之長皆尺許又久之衆細語推讓移時倏見綠衣出趨至階

下鞠躬而揖者三復趨樹下朱衣紫衣輩以次趨上
揖如前旣畢魏大呼從者衆聞人聲復急趨東廡寂
然矣魏手劍命炬兵士皆握刀從廡後跡之瓦礫縱
橫蓬蒿蒙翳間無人跡至堂偏一小室有人語聲切
切然闢戶則積塵盈寸更無所覩塵中有一印篆文
曰巡按遼東不喻所謂候曉乃行後歷官兵部督捕
右侍郎以言事謫戍遼東云

魏少司馬赴遼東戍所未至奉天二三百里夜迷失
道東炬而行忽見道側有一人影模糊不甚可辨方
遣問而炬忽滅但聞暗中有人語曰本境土地迎候

魏停車問曰何以知吾至也答曰公貴人也又以直言譴故知之魏曰若亦神祇寧知吾有生還之日乎曰有之第當從後門入耳再詢之遂不答後竟卒成所順治十八年春遣 詔許歸葬其鄉

正白旗有老兵自言在遼東哨鹿忽見一狐突過逐之飛上樹杪捷如鳥隼再射而墜諦視有兩翼蓋飛狐也頃又見大蛇長數丈巨如甕其行如風伏而伺之蛇至懸厓間下飲溪澗急穀弩中之則兩首並生焉

禮部宣讀官額某言在遼東日中天無雲忽見一物

從東來上鉅而下細頃之又有一物從北來鬪于空中久之北者負而走雲霧滃起遂沒又在章江泊船有浴者覺水中卧一物有鱗甲呼其徒共以巨絙繫之數十人力盡不能舉乃禱之卽引出水面形如世所畫麒麟狀而閉其目衆羅拜而復之俄霹靂作雷電晦冥飛騰而去

嘗戲論唐人詩王維佛語孟浩然菩薩語劉昫虛韋應物祖師語柳宗元聲聞辟支語李白常建飛仙語杜甫聖語陳子昂真靈語張九齡典午名士語岑參劍仙語韓愈英雄語李賀才鬼語盧仝巫覡語李商

隱韓渥兒女語蘇軾有菩薩語有劍仙語有英雄語
獨不能作佛語聖語耳

古人一藝亦有家學翟伯壽籀史云李伯時父虛一
喜藏法書名畫伯時自少好之遂悟古人用筆

宋人稱王文正公曰掌武掌武太尉之號籀史徐鉉
古鉉銘條下又稱平章爲辨章本尚書大傳曰辨章
百姓史記又曰便章韓退之袁氏先廟碑用之

蜀道劍門驛路自明末寇亂久爲榛莽予壬子歲入
蜀由蒼溪閬中鹽亭潼川以達漢州率皆鳥道二十
九年四月四川巡撫葛爾圖上疏自廣元縣迤南歷

圓山等十二站始達漢州計程八百二十里多崇山峻嶺盤折難行查得劍門關舊路僅六百二十里臣秉農隙刊木伐石搭橋造船以通行旅遂成坦途裁省驛馬六十八匹歲省銀二千五十六兩

予丙子以祭告再入蜀新路經

牛首山

亦首險

嘉興魯訾杜工部詩年譜一卷謂甫生于先天元年

壬子卒于大曆五年庚戌趙子櫟杜年譜一卷謂生

于開元元年癸丑

鈔本作二年非

沒于大曆六年辛亥先是呂

汲公始創爲年譜訾書成于紹興癸酉譜說蓋沿汲公之舊而趙則謂汲公之譜生歿所值紀年與紀年